

Headline	12 pelajar cemerlang Orang Asli terima sumbangan		
MediaTitle	Kosmo		
Date	07 Apr 2018	Language	Malay
Circulation	197,202	Readership	875,000
Section	Negara	Page No	4
ArticleSize	248 cm ²	Journalist	N/A
PR Value	RM 19,308		



12 pelajar cemerlang Orang Asli terima sumbangan

PEKAN - Seramai 12 pelajar Orang Asli yang cemerlang pada peperiksaan Sijil Pelajaran Malaysia (SPM) dan Sijil Tinggi Persekolahan Malaysia (STPM) tahun lalu menerima sumbangan wang tunai berjumlah RM500 setiap seorang di bawah Program Kemasyarakatan Lestari Tenaga Nasional Berhad (TNB).

Salah seorang pelajar yang memperoleh keputusan 6A dalam SPM, Azni Muhammad, 18, dari Sekolah Menengah Kebangsaan (SMK) Pali Hinai di sini amat menghargai sumbangan TNB dan menjadikan ia sebagai satu lonjakan semangat untuk terus berjaya dalam pelajaran.



AZNI



FATIN ATHIRAH



CHOI AH TOM

"Sumbangan ini adalah satu penghargaan yang besar buat kami (pelajar Orang Asli) untuk berusaha lebih gigih mencapai keputusan cemerlang dalam pelajaran."

"Sumbangan ini juga akan

menjadi inspirasi buat pelajar lain supaya terus berusaha meskipun ada di antara mereka hidup serba kekurangan," katanya yang bercita-cita untuk menjadi seorang guru.

Seorang lagi penerima pelajar cemerlang SPM, Fatin Athirah

Mohd. Rizal, 18, dari SMK Sains Sultan Haji Ahmad Shah di sini ternyata gembira menerima sumbangan tersebut dan menganggap ia lebih bermakna kerana disampaikan oleh Perdana Menteri, Datuk Seri Najib Tun Razak.

"Usaha kerajaan dalam membantu golongan Orang Asli dan menaik taraf hidup mereka adalah satu agenda yang amat bermakna buat kami."

"Ia sekali gus membawa kami seiring dengan kaum lain dan menangkis perspektif negatif terhadap komuniti Orang Asli," jelasnya yang memperoleh keputusan 7A.

Pelajar cemerlang STPM

pula, Choi Ah Tom, 20, dari SMK Ahmad di sini juga menyuarakan pandangan sama, malah berharap agar hubungan akrab pemimpin dan rakyat dapat diteruskan.

"Perdana Menteri amat prihatin atas keperluan kami khususnya dalam pendidikan yang menjadi asas buat Orang Asli, mengubah kehidupan ke arah lebih baik."

"Saya berharap supaya pelajar Orang Asli dapat memanfaatkan segala sumbangan kerajaan dan terus mencapai kecemerlangan dalam pendidikan," ujarinya yang memperoleh Purata Nilai Gred Keseluruhan 3.08.